



Inatsisartunut ilaasortaq
Mala Høy Kúko

Ikkattimi sakkutooqarfiusimasoq pillugu § 37 naapertorlugu apeqquteqaammut
nr. 41-2023-mut akissut

Asasara Mala Høy Kúko

Ikkattimi sakkutooqarfiusimasoq pillugu Inatsisartut Suleriaasianni § 37, imm. 1
naapertorlugu Naalakkersuisunut apeqquteqarputit. Apeqqutit uannut
akisassanngorlugit innersuunneqarput.

- 1. Naalakkersuisut paasissutigisinnaavaat Tunumi sakkutooqarfiusimasumi (Ikkatteq bluie East 2) saliinissamut isumaqatigiissutigineqarsimasut tunngavigalugit Qallunaat Nunaanninngaanniit aningaasaliissutigineqartut tamakkiisumik atorneqarsimanersut?**

Akissut:

Naalakkersuisut 2018-imi januaarimi danskit naalakkersuisuulu, Kalaallit Nunaanni amerikamiut siusinnerusukkut sumiiffigisimasaanni atorneqarunnaarnikuni, aammalu allanut tunniunneqarnikuunngitsuni imaluunniit allatigut isumaqatigiissuteqarfionngitsuni saliinissamut isumaqatigiissuteqarput. Isumaqatigiissut Ikkattimut taamaallaat tunngasuunngilaq. Saliinissamut illersornissaq pillugu isumaqatigiissummi 2018-2023-mi 180 mio. koruunit immikkoortinneqarput. Illersornissamut ministeriaqarfiup tamanna pisortaqarfittut aningaasat atorneqartussat akuerisarpai aamma naalakkersuisoqarfimmu 2022-ip naanerani 32,2 mio. koruunit sulisunut atorneqartut ilisimatitsissutigineqarput.

- 2. Ikkatteq salinneqarnera naammassineqarsimappat qanoq siviisutigisumik suliarineqarsimava?**
 - a. Aningaasat qanoq amerlatigisut atorneqarsimappat?**

Akissut:

Ikkattimi saliiineq suli naammassinngilaq. Kommuneqarfik Sermersooq saliiinnermut pilersaarummut ingerlatsisuuvoq. 2021-mi ukiakkut kommunip pilersaarummut sumiiffimmi tapiliusaaq suliaraa, tamanna, Nunatta Katersugaasiviata innuttaasut peqatigalugit innersuussutai atortut il.il. suut sumiiffinniiginnarnissaannik allaatigineqarpoq. Kommuni Ikkattimi saliinissamut pilersaarusiornikuuvoq. 2023-mi ukiakkut saliinissamut suliaqarnissaanut tunngatillugu piukkunnartussarsiornermik/neqeroormmik

Allakkap ullua: 20-02-2023
Suliap normua: 2023 - 2998
Allagaatip ilisarnaataa:
22487073

Postboks 1614
3900 Nuuk
Oqarasuaat: (+299) 34 50 00
Fax: (+299) 34 54 10
E-mail: pan@nanoq.gl
www.naalakkersuisut.gl

upernaakkut 2023-mi suliaqartoqarnissaa naatsorsuutigineqarpoq. Taaneqareertutut Illersornissamut ministeriaqarfiup pisorta qarfittut aningaasat ator neqartussanut akuersisartuuvoq. Illersornissamut ministereqarfiup Ikkattimi saliinermi aningaasartuutit aalajangersimasut qanoq amerlatigisut ator neqarner sut ilisimasaqarfiginngilaat.

3. Naalakkersuisut paasissutigisinnaavaat Ikkatseq mingutsinneqarsineranik ulorianartunik takussutissanik suli peqarner soq?

Akissut:

Apeqquummi 2-mi akissummi taaneqareernitsituut, Ikkattimi saliineq suli naammassinngilaq. Naalakkersuisut saliineq naammassippat, avatangiisinut aamma peqqissutsimut tunngatillugu pisariaqavissunik sumiiffinni qimaannarneqarnikuni nalilersuinissaat naatsorsuutigaat.

4. Naalakkersuisut paasissutissanik allanik paasissutissaateqarpat Ikkatteq pillugu?

Akissut:

Naalakkersuisut maanna allanik paasissutissaateqanngillat.

Inussiarnersumik inuulluaqqusillunga



Kalistat Lund